

豪郡守慎邦佐判官黃憑縣監朴世寬萬戶柳秩權管金水生皆在其中則如此慘酷之事自開國以來未之有也備邊司堂上不量事宜使之先試其鋒水使金景錫輕舉妄動不為候風遂致如此請金景錫拿鞫備邊司堂上推考答曰風亂時輕易戮行果為非矣然從朝廷之令而為之豈至於拿推乎令其道推之備邊司堂上不必推考

丙子 上親傳釋奠祭香祝○傳曰今者不無邊釁多選知邊事宰相委以邊事之意其言于大臣及兵曹備邊司○日微暈兩珥色內黃外白丁丑 上親傳社稷祭香祝○夜東西方如火氣

己卯 上御晝夕講○諫院啓曰備邊司設立之後邊境殆無寧歲蓋以其司堂上多武臣好功喜事鼓動兵端大臣宰相之人信惑其言結釁外夷者今時之痼弊也議者皆曰革廢備邊司則邊境可以寧息其意亦有所見也近月自 上命加出堂

上未知 上意之所在也備邊司者 祖宗朝所無也始於中宗末年其時大臣未慣兵事啓而設之不知後弊至此極也